


吳郡志附校勘記三



吳郡志

附校勘記  
(三)

范成大撰

# 吳郡志卷十六

## 虎邱

虎邱山又名海湧山。在郡西北五里。遙望平田中一小邱。吳地記云。去吳縣西九里二百步。高一百三十尺。周二百十丈。比入山。則泉石奇詭。應接不暇。其最者劍池。千人坐也。劍池。吳王闔廬葬其下。以扁諸魚腸等劍各三千殉焉。故以劍名池。葬之三日。有白虎踞其上。故山名虎邱。唐避諱曰武邱。劍池浙中絕景。兩岸劃開。中涵石泉。深不可測。王禹偁序蘇文忠公軾詩。形容甚工。千人坐。生公講經處也。大石盤陀數畝。高下如刻削。亦它山所無。又有秦王試劍石。點頭石。愁愁泉。皆山中之景。好事者云。天下名山所見不及所聞。獨虎邱所聞不及所見也。其古事載傳記尤多。晉王珣虎邱記曰。山大勢四面周回嶺南。則是山徑兩面壁立。交林上合。蹊路下通。升降窈窕。亦不卒至。珣又爲銘序云。武邱山先名海湧山。吳越春秋曰。闔閭死葬於國西北虎邱。穿土爲山。積壤爲邱。餘見雲巖寺及往蹟冢墓考證等門。〔獨孤及夜宴序云〕方今揆。外有方叔召虎。以守四海。天下之人。高枕無事。則琴壺以宴朋友。笑歌以展霞月。吾黨之職也。我是以有今茲虎邱之會。巖巖虎邱。奠吳西門。舉然如香樓金道。自下方而踴。鏤丹霞白雲於蓮宮之內。會之日。和氣滿谷。陽春逼人。巖烟掃除。蕭者有待。余與夫不亂行於鷗鳥銜流霞之杯。而羣嬉乎其中。笑向碧潭與松石道舊。兜眺既發。賓主醉止。狂歌送酒。坐者皆和。吳移數奏。雲去日沒。梵天月白。萬里如練。松陰依依。狀若留客。于斯時也。挽雲山爲我輩。視竹帛如草芥。頽然樂極。衆慮皆遣。於是奮髯。塵舞而歎。今夕何夕。同者八人。醉罷皆賦。以爲此山故事。〔皎然陪陸長源裴樞遊武邱〕雲水夾雙刹。遙疑涌平陂。入門見藏山。元化何由窺。曳組探詭怪。停聽訪幽奇。情高氣爲爽。德暖春亦隨。瑤草自的皪。黃樓爭蔽虧。金精發壞陵。劍彩沈靈池。一覽匝天界。中峰步未移。應來遠公石。列坐援松枝。〔李峴劍池〕闔閭葬日勞人力。羣政穿來役鬼功。澄碧尚疑神物在。等閑雷雨起潭中。〔趙嘏虎邱贈魚處士〕蘭若雲深處。

前年客重過。巖空秋色動。水閣夕陽多。早負江湖志。今如鬢髮何。惟君閑勝我。釣艇在煙波。(皮日休虎邱寺西小溪閑泛詩)鼓子花明白石岸。桃枝竹覆翠嵐溪。分明似對天台洞。應厭煩仙不肯迷。(陸龜蒙)樹號相思枝拂地。鳥語提壺聲滿溪。雲涯一里千里曲。直是漁翁行也迷。(許渾)暫引寒泉濯遠塵。此生多是異鄉人。荆溪夜雨花飛疾。吳苑秋風月落頻。萬里高低雲外路。百年榮辱夢中身。世間誰似西林客。一臥煙霞四十春。(權德輿)陸四十虎邱對月。東風變舊薄。時景日妍和。更想千峰夜。浩然幽意多。蕙香襲閑趾。松露滴荷柯。潭影漾霞月。石牀封薜蘿。夫君壯歲時。已負青冥姿。龍虎一門盛。淵深四海推。駉駉步驤馬。婉婉翫長離。元圃盡瓊樹。家林輕桂枝。聲榮徒外獎。恬淡方自適。逸氣凌穎清。仁祠訪金碧。芊蕸瑤草秀。斷續雲霞綺。芳訊發幽絨。新詩吐良覿。故人石渠署。美價滿中朝。落日杉松直。芬芳蘭杜和。雄詠鼓溟海。曠度豁丹霄。營道幸同術。論心皆後凋。循環伐木詠。邂逅招隱情。慙茲擁腫才。受彼薄溪清。拘牽尚多故。夢想何由并。終結方外期。不待華髮生。(白居易)香剎看非遠。祇園入始深。龍蟠松矯矯。玉立竹森森。怪石千層坐。靈池一畝沈。海當亭兩面。山在寺中心。酒熟憑花勸。詩成倩鳥吟。寄言軒冕客。此地好抽簪。(夜遊西武邱)不厭西邱寺。閒來即一過。舟船轉雲島。樓閣出烟蘿。路入青松影。門臨白月波。魚跳驚柔燭。猿觀怪鳴珂。搖曳雙紅旆。娉婷十翠娥。(容滿蟬態等十妓從遊也。)香花助羅綺。鍾梵避笙歌。領郡時將久。遊山數幾何。一年十二度。非少亦非多。(武邱寺路)自開山寺路。水陸往來頻。銀勒牽驕馬。花船載麗人。菱荷生欲遍。桃李種仍新。(去年重開寺路。桃李蓮梅。約種數十株。)好住湖隄上。長留一道春。(武邱寺路宴留別)銀泥碣映錦障泥。畫舸停機馬簇蹄。清管曲終鸚鵡語。紅旗影動鵝鶩嘶。漸銷醉色朱顏淺。欲語離情翠黛低。莫忘使君吟詠處。女真湖北虎邱西。(一木作潑汗宮)(李紳)秋山古寺東西遠。竹院松門假寐同。幽鳥靜時侵徑月。野煙消處滿林風。塔分朱鶴餘霞外。剎對金螭落照中。官備散寮身却累。往來慙謝二蓮宮。(劉禹錫)青林虎邱寺。林際翠微路。立見山僧來。遙從鳥飛處。茲峰淪寶玉。千載惟邱墓。埋劍人空傳。鑿山龍已去。捫蘿披薜蘿。路轉夕陰遽。虎嘯漚谷寒。猿鳴松杉暮。徘徊松樓上。海江第一顚。日映千帆帆。鴉歸萬家樹。暫因慙所過。果得捐外處。庭暗樓還雲。簷香滴甘露。久迷空寂理。多爲聲華故。永欲投此山。餘生豈能誤。(劉禹錫虎邱見元相公題名愴然有詠)澹水送君君不還。見君題字虎邱山。因公蚤貴華才美。不得多時在世間。(李德裕望海樓)獨宿望海樓。夜深珍木冷。僧房已閉戶。山月方出嶺。碧池涵鏡彩。寶剎搖星影。却憶郡齋中。虛眠此時景。(清遠道士同沈恭子遊虎邱)我本長殷周。遭罹歷秦漢。四瀆五嶽。名山盡幽竄。及此真區中。始有近峰巒。近峰何鬱鬱。平湖渺瀰漫。吟挽川之陰。步上山之岸。山川共澄澈。光彩交凌亂。白雲欲欲歸。青松忽消半。客去川島靜。人來山鳥散。谷深中見日。崖幽曉非旦。聞子盛游遨。風流足詞翰。嘉茲好松石。一言常累歎。勿謂余鬼神。忻君共幽贊。(顏真卿刻清遠道士詩因而繼作)不到東西寺。于今五十春。耦來從舊賞。林壑宛相親。吳子多藏日。奉皇厭勝辰。劍池穿萬仞。盤石坐千人。金氣騰爲虎。琴臺化若神。登壇仰生一。捨宅歎珣珉。中嶺分雙樹。迴巒絕四鄰。窺臨江海接。崇飾四時新。客有神仙者。於茲雅麗陳。名高清遠峽。文緊沐牛津。迹異心還閒。聲同樹實均。悠然千載後。知我挹光塵。(李德裕追和顏真卿)茂苑有靈峯。嗟余未遊觀。藏山在牛陸。懷谷爲高岸。岡繞數仞牆。巖潛千丈幹。乃知造化意。回轡資奇翫。繆騰青虎踞。劍沒常龍煥。潭無入海底。崑崙聳霄半。層巒未昇日。哀哀寧知旦。綠篠夏凝陰。碧林秋不換。冥搜既窅窅。遐望何蕭散。川晴嵐氣收。江春藻英亂。逸人綴清藻。前哲留篇翰。共扣哀玉音。皆舒文繡

段。難追夢回實。〔褚彥回曰。凡人所稱。常過其實。唯見虎邱則逾其所聞。〕徒起興公歎。一夕如再升。含毫星斗爛。〔皮日休追和清遠道士詩序〕虎邱山有清遠道士詩一首。其所稱自殷周而歷秦漢。迄于近代。抑二千年。未以鬼神自謂。亦怪之甚者。格之以清健。飾之以俊麗。一句一字。若奮若搏。彼建安詞人尚在。不得居其右矣。顏太師魯公愛之。刻於巖際。并有繼作。李太尉衛公。欽清遠之高致。慕魯公之素尚。又次而和之。顏之敘事也典。李之屬思也麗。並一時之寡和。又幽獨君詩二首。亦甚奇創。余嗜古者。觀而樂之。因繼而爲和答。不知孰氏之作。其辭古而悲。亦存于篇末。噫。清遠道士。果鬼神乎。抑道家者流乎。抑隱君子乎。詞則已矣。人則吾不知也。詩云。成道自衰周。避世窮炎漢。荆杞雖云梗。烟霞尙容竄。茲幸信靈異。吾懷歷流旼。古澗石鐵鉗。嵐風輕埃漫。松膏膩幽逕。蘋末著孤岸。諸蘿幄幕暗。衆鳥陶匏亂。磨鐸地中心。海光天一半。元猿行列歸。白雲次第散。蟪蛄生夕景。沉瀝餘清旦。風人採幽什。墨客學靈翰。嗟余慕斯文。一詠復三款。願晦雖不向。茲吟粗堪贊。〔陸龜蒙追和清遠道士〕一代先後賢。聲容刻河漢。况茲邁古士。復歷蒼崖巖。辰經幾十萬。邈與靈壽斲。海嶽尙推移。都鄙固蕪漫。羸僮下高閣。獨鳥沒遠岸。嘯初風雨來。吟餘暈眼亂。如何鍊精魂。萬祀忽欲半。寧爲斷臂憂。肯作秋柏散。吾聞鄴宮內。日月自昏旦。左右修文郎。縱橫灑篇翰。斯人久溟漠。得不垂慨歎。庶或有神交。相贊重興贊。〔陸龜蒙補沈恭子詩序〕案清遠道士詩。題中有沈恭子同遊。既爲神怪之傳。得非姓氏謠爲恭子乎。趙宣子韓獻子之類耶。恭子美諡也。而詩中有風流詞翰之稱。豈獨唱而不和者歟。疑闕其文。以爲恭子之恨。乃作一章。存于篇中。亦補亡之義也。詩云。靈寶貫軒昊。遐年越商周。自然失遠裔。安得怨寡儔。我亦小國元。易名慚見優。雖非放曠懷。雅奉逍遙遊。攜手桂枝下。屬詞山之幽。風雨一以過。林麓颯然秋。落日倚石壁。天寒登古邱。荒泉已無夕。敗葉驚不流。亂翠缺月隱。衰紅清露愁。覽物性未逸。反爲情所囚。異材偶絕境。佳藁窮冥搜。虛傾寂寞音。敢作雜佩調。〔晁迥遊虎邱詩序〕余罷掌賦東陽。歸次蘇臺。時故人王士龍。飲饒乎閭門。且曰。虎邱山寺。吳中勝槩。不越數里。可能遊乎。余沛然慨心。諾而偕往。由枝派乘水輿。嘯清風。目幽。棹工叢力。葉舟如飛。拂白英以半開。繁紅樹以傍出。造詣幽境。竟無纖塵。相與披煙蘿。凌磴道。杳疑天外。作爲佛宮。俯臨劍池。呀若斷岸。磊砢齒萃。不能形容。肆凝覽以東周。惜積景之西匿。一鵬一詠。扼興而還。遂裁八章。以表嘉會。時淳化四載。自序。詩云。錢別閨門復少留。故人邀我浣離愁。旋沽美酒乘漁艇。急棹斜陽到虎邱。千古劍池呀怪石。一方金地枕清流。歸時眷戀情無限。不得從容秉燭遊。〔王禹偁〕蘇轍園者碧孱顏。曾是當年海湧山。盡把好事藏寺裏。不教幽境落人間。劍池草色經冬在。石座苔花自古斑。珍重晉朝吾祖宅。一迴來此便忘還。〔遊虎邱觀白傅舊題因而有作〕樂天曾守郡。酷愛虎邱山。一年十二度。五馬來松關。我今方吏隱。心在雲水間。野性羣麋鹿。忘機狎鷗鷺。乘興即到。興盡聊自還。不知使君貴。何似長官閑。徒勞官職在天涯。一望家園一淚痕。不是虎邱多勝槩。拂衣歸去已多時。〔吳王墓〕惜哉吳王墓。秦帝欲開破。應笑埋金玉。千年賈餘禍。不待虎跡銷。已聞鮑車過。又是驢山頭。炎炎三月火。〔陳堯佐〕雲際樓臺樹杪軒。孤松千尺聳平田。危欄遠思微吟好。隱隱秋帆半上天。人間靈迹遍曾遊。祇欠吳門訪虎邱。今日偶來無限感。闔閭墳左劍池頭。〔丁謂〕久塵黃閣侍威顏。忽擁高牙出帝關。玉佩乍辭文石陛。錦衣重到虎邱山。仙風時傍瀑湍起。珍羽多從香霧還。官大龍深難得暇。林泉懷舊是偷閒。〔梅詢〕鳳池初下陟孱顏。虎寺重遊啟舊關。金錢遮呼投釣渚。寶天輝映讀書山。臥龍昔日曾三顧。遼鶴千年始一還。應爲蒼生須再起。草堂蘿幄詎容閒。〔范仲淹〕昔見

虎耽耽。今爲佛子巖。雲寒不出寺。劍淨未離潭。幽步蘿重徑。高禪雪閉庵。吳都十萬戶。烟瓦亘東南。〔蔣堂〕虎邱何爲山。鯨波湧而顯。〔古謂海湧也。〕惟青鎮一隅。時秀狀無限。遙峯乃衆陰。四望拱孤巒。上有梵王家。高壓長洲苑。遊人接踵來。千里必重研。奔走趨層巔。凌競陟雲棧。下瞰洞庭卑。傍睨靈巖淺。幾乎屹寶閣。仰之目睛眩。中有明光書。麗若日星烜。三朝所秘藏。百靈共幽贊。茲焉眞福庭。瞻者皆色灑。〔音銳。〕覺覺塵世非。恍如化城現。塔頂拂彤霞。山脚環清明。北崖宿雪寒。東阜晨曦暖。陰森巖腹空。詰屈廊樓轉。秋磬落雲端。宵燈耿天半。處者病惱蠲。來者鈍根遣。予嘗邦寄時。所歷遊履遍。不領旌旗行。恐驚禽鹿散。捫蘿窮邃深。據檻望平遠。尋幽既歡欣。訪古或興歎。葬金墳已隳。泮劍池猶漫。冰霰凋古杉。〔皮陸所詠古杉也。〕朱丹浮斷浦。〔今秋崖下泉湧。得竹筒數片。皆朱書。有古年號。〕珍重講石存。譏評鬼詩誕。唐賢留風什。遺墨羅粉版。險語悉冥搜。清景不可道。〔李衛公顏魯公而下。篇什俱在。〕國朝有筆札。巖壁刻殘碗。刀稍君讀書。龍蛇不疑篆。〔蔡書劍池壁篆生公臺。〕二美貞禪局。千古駭人眼。於時出世師。淨住日營繕。發緣善侶臻。畢力梓工倕。紺宇生光輝。勝槩如采綯。海衆咸安棲。宗風愉快闡。迦陵覺音清。石室驚籌滿。自惟挂纓歸。心與粉筆斷。每來尋香刹。常得戔野弁。久留蓮漏移。相接岸談款。露井汲雲漿。〔山有陸鴻漸井。〕冰甃試芳筭。最憐草樹春。幾愛烟風晚。願借一庵石。於茲修止觀。林端生色美新晴。樓閣依山若畫屏。石坐最宜人選勝。劍池潛想地遺靈。僧窓松竹冬尤茂。寺路煙霞畫亦冥。自愧踰年假隱守。一迴方得扣禪關。〔張伯玉〕東客從來過虎邱。橋花渡口維扁舟。閭閻宮殿不可見。但對古塔寒颼颼。憶昔吳王全盛日。水犀十萬橫吳鉤。〔張伯玉〕楚山既掘荆人塚。越嶺仍將勾踐囚。豈謂西施能破國。誰知麋鹿上臺遊。惟有吳王在時月。夜深閑照劍池秋。〔王紳〕山頭古寺多陳迹。故國空餘氣象雄。霸業已隨流水去。閭閻填草又西風。〔蘇軾〕入門無平地。石路穿細嶺。陰風生澗壑。古木翳潭井。湛盧誰復見。秋水光耿耿。鐵花秀巖壁。殺氣嗔哇囁。幽幽生公堂。左右立頑礦。當年或未信。異類服精猛。胡爲百歲後。仙鬼互馳聘。竊然留清詩。讀者爲悲哽。東軒有佳致。雲水麗千頃。熙熙覽生物。春意破凄冷。我來屬無事。暖日相與青。山興已濃。糖閑雲作態。馳臥草埋峯。跪展若可教。卜鄰應更容。因公問回老。何處定相逢。〔朱長文蒲章請公唱和詩題辭〕虎邱之景。蓋有三絕。望山之形。不越崗陵。而登之者。見層峯峭壁。勢足千仞。一絕也。近臨郭郭。矗起原隰。旁無連屬。萬景都會。西聯穹隆。北亘海虞。震湖滄海。雲氣出沒。廓然四飛閣。指掌千里。二絕也。劍池泓渟。微海浸空。不盈不虛。終古湛湛。三絕也。兼是絕景。冠以佛宮。寶塔精廬。重樓飛閣。磳磳峻嶒。梯巖架壑。東南之勝。罕出其右。故自晉唐。至于聖朝。儒先文士。宗工逸客。風什相繼。昔嘗集錄吳郡詩。得虎邱之作。七十餘篇。其遺落而失傳者。又可勝道哉。左丞河東蒲公。自杭帥鄆。弭節閭閻。一登此山。坐小吳會。歎賞不已。形于詠歌。於是樞密豫章章公。使君劉公。通守王君。欣聞嘉製。屬而和之。思與境會。情以辭宣。高義薄雲霞。正聲合鍾律。足以爲海湧之榮觀。中吳之美寶。使顏李大句。劉白高風。不專美於是矣。蒲公又有六詠。刻之它石云。元祐三年四月。蘇州州學教授朱長文題。〔蒲宗孟〕長松遶步水灣環。寺據吳王家墓間。瘦石千層開碧玉。疎罔十里裹青山。壁從地上巉巖起。雲出門前自在閑。零落生公講臺下。無人說法但空還。〔遊虎邱因書錢塘舊遊〕失却湖山恨去舟。新年無意作春遊。東風昨夜思龍井。曉雨

全家入虎邱。望見遠峯疑石街。(南高峯勝處。)悞尋歸路認花樓。(沙河勝處。)明朝一出閭門去。清夢遙知在兩州。(章子厚)園閣城外小層巒。瘦竹寒松數里間。蓮岸逢僧知近寺。入門鑿石漸登山。鈍鉤劍化空池在。幽獨詩成白日閑。遊客幸無官事束。何須齋舫數昏還。傳聞城角橫行舟。自塞笙歌選勝遊。偶爲寒江阻潮汐。再容清賞獨林邱。燕回吳苑風和雪。夢斷錢塘月滿樓。盡把蘇杭好風景。醉吟將去託東州。(蘇舜欽)重事飄然付古今。引領烟蘿空自羞。(楊億)園閣城見古荒邱。雲約。醉酒聊驅萬古愁。峽束蒼淵深貯月。巖峩紅樹巧裝秋。徘徊欲出向城市。引領烟蘿空自羞。(楊億)園閣城見古荒邱。雲裏鐘聲滿寺樓。白虎金晶不見深。昔曾雄踞此山頭。(劍池)三尺龍鐘古到今。波光凝碧暮雲深。沈絲不斷應無底。山脚池心徵海心。(試劍石)白刃凝霜瀟水寒。當時入匣便迴鑾。巖前片石猶中斷。切玉如泥也不難。(生公講堂)海上名山卽虎邱。生公遺跡至今留。當年說法千人坐。曾見巖邊石點頭。(孫觀)冬溫陽亢亢。一雪意頗快。乘興泛扁舟。出郭信如邁。放棹得虎邱。恍然銀色界。瑤山夾細逕。瓊樹偃曲蓋。引步到層樓。極目吳城隘。飛鸞翔空中。千峯聳天外。景虛雲可凌。寒重酒易解。羣兒慶老翁。於此氣不慙。多病身如寄。長貧氣自華。只憐窮事業。便當老生涯。泥飲醉生顛。挑燈喜見華。慙慙香火社。問病到毗耶。禪客青鞋軟。詩翁白帽斜。驚聞蝶栩栩。喜聽鶯查查。推戶風敲竹。登牀雨散花。匆匆一笑許。隻履上青霞。(吳俱)四顧渺平野。孤撐見林邱。常疑湧池出。倘復海所浮。上有千人臺。靈蹤想前修。無情肯深義。頑石亦點頭。下有百尺淵。神光千斗牛。陰崖不見日。草木皆先秋。兩晉多達士。東亭抑其流。結廬遠車馬。寄此山之幽。一朝施白足。棄去如毛輶。矧伊桑下宿。肯作賈胡留。尋壑復經邱。人看李郭舟。藤花多昔日。桐葉最知秋。虎去藪叢盡。龍歸趾屢愁。振衣臨石壁。未羨習池遊。(何麒)平地涌巖壑。稜層驚大雄。何曾遺人世。眞欲傍天宮。白虎威靈在。赤烏綠影空。生公能說法。音與塔鈴同。(方惟深)晉人事高曠。所得多奇僻。雲巖佛子廬。曾爲王宅。當時榮樂地。俯仰成今昔。林泉亦余好。徘徊想遺跡。那知非昔人。復作登臨客。(劍池)雲崖倚天開。蒼淵下澄澈。世傳靈劍飛。山石千丈裂。神蹤去不返。今作蛟龍穴。是非辨難詰。歲久多異說。惟當清夜來。靜賞潭上月。(千人石)生公天人師。講法花雨墮。當時聽法衆。片石千人坐。山祇常護持。山鳥不敢污。野人心茫然。傲蕩多酒過。醉來不肯歸。石上看雲臥。(方仲荷)海湧起平田。禪扉古木間。出城先見塔。入寺始登山。堂靜參徒散。巢喧乳鶴還。祖龍求寶劍。曾此鑿孱顏。(王禹偁劍池銘并序)虎邱劍池。泉石之奇者也。吳地記引秦皇之事。以爲詭說。考諸舊史。則無聞焉。矧儒家者流。不可語怪。因爲銘以辯之。銘曰。茂苑之側。震澤之濶。(湄同)巖巖虎邱。沈沈劍池。峻不可離。長有止兆。蒙無亨期。構此屯難。成乎險巇。直恐夏后弗能導之。豈惟秦皇而能肇茲。蓋其始也。一氣發泄。兩儀分列。爭融闢結。擊搏而裂。斷壁雙揭。摩雲不徹。翠靄青殘。挫銳而中絕。寒流下咽。崑山未決。雪壑雷收。拗怒而曲折。盤束瀉瀨。呀梯洞穴。鱗翻成窟。龍戰有血。匪自人力。蓋從天設。誰謂一拳。登之惟艱。誰謂一勺。挹之不竭。池實自然。劍何妄傳。我欲涉道。如池之淵。我欲立節。如石之堅。位以道取。名以節全。濡筆池心。勤銘山巔。破衆惑焉。言余志焉。(徐輔)劍去池空一水寒。遊人到此凭欄干。年來世事消磨盡。只有青山好靜看。(西清詩話。)



# 吳郡志卷十七

## 橋梁

唐白居易詩曰紅欄三百九十橋。本朝楊備詩亦云畫橋四百。則吳門橋梁之盛自昔固然。今圖籍所載者三百五十九橋。在郡城者。今以正中樂橋爲準。分而爲四達。隨方敘之。門外及外縣略附見焉。

## 樂橋之東北

婁門齊門

百口橋。在長洲縣東。東漢顧訓五世同居。族聚百口。衣食均等。尊卑有序。因其所居以名橋。俗傳子孫多不能辨架上之衣。歲朝會集。子孫悉坐。依次行酒。三歲以上者。並自知位次。不虧其禮。故俗又名試飲橋。臨頓橋。在長洲縣北。臨頓吳時館名。取之臨頓宅者是也。又吳地記名。吳王親征夷人。頓軍慈歇。宴設軍士。因此置橋。唐陸魯望常居其旁。（皮日休）共老林泉忍暫分。此生應不識迴文。幾枚竹筍送德曜。一乘柴車迎少君。舉案品多緣澗藥。承家事少爲溪雲。居然自是幽人事。輒莫於他孫壽聞。苑橋。在報恩光孝寺之西。故傳闔閭有苑囿在其傍。定跨橋下。長洲縣前。舊爲闔閭故跡。縣前東南。故傳皆闔閭苑囿遊憩之地。

顧家橋。顧悌仕吳。爲虎頭將軍。父亡五日。絕漿而死。郡人爲之造橋。吳地記。

四通橋。紹興二十六年建。

定跨橋。吳王闔閭造。吳地記。

開明橋

醋坊橋

金師堂橋

馬黃橋

管家橋

紅爐子橋

換馬橋

瓶場橋

永福寺橋

北倉橋

天心橋

宮橋

廣化寺橋

金師子橋

靈鷲寺西橋

鶴舞橋

又吳地記云夫差女勝玉出葬日仙鶴舞引羣鳴於市因號橋曰鶴舞或又云春申君所立也

中路橋

狄勝橋

華家橋

跨塘橋

北新橋

蔣家橋

院子橋

新街橋

吳郎橋

廟堂橋

任蔣橋

南新橋

周通橋

縣東橋

徐思橋

顧周橋

雙板橋

大郎橋

衆喜橋

雪糕橋

積慶橋

蘇軍橋

衆安橋

通利橋

慶歷橋

華陽橋

迎春橋

寺莊橋

奚家橋

富孫橋

魏家橋

唐家橋

羅家橋

熙寧橋

廟堂橋

張香橋

胡家橋

斜路橋

程家橋

棧橋

花橋

東石塘橋

東章家橋

錢都衙橋

兵馬使橋

胡廂使橋

打急路橋

北張家橋

朱馬交橋

南張家橋

徐鯉魚橋

廣化寺後橋

北禪寺西橋

北禪寺前橋

北禪寺東橋

長洲縣前橋

天宮寺前橋

天宮寺西橋

萬壽寺東橋

資壽寺西橋

資壽寺後橋

祥符寺東橋

東周太保橋

樂橋之西北

閭門

臯橋在吳縣西北閭門內。漢議郎臯伯通居此橋側。因名之。〔李紳〕伯鸞憔悴甘飄寓。非向鷺塵隱姓名。鴻鵠羽井寒泉見底清。猶有餘風未磨滅。至今鄉里重和鳴。

三太尉橋

都亭橋

在吳縣西北。故傳吳王壽夢。嘗於此作都亭。以招賢士。

至德廟橋

在太伯廟前。以廟故名。

張廣橋

慈悲橋

烏盆橋

鄔家橋

穀市橋

小市橋

小平橋

普濟橋

魚行橋

柳穀橋

虎蹲橋

梵門橋

徐胡橋

劉家橋

壽聖橋

華家橋

楊家橋

徐家橋

仰家橋

鳳凰橋

高家橋

廣書橋

席家橋

沈家橋

方廣橋

德慶橋

翁家橋

丁家橋

艇船橋

安民橋

崇利橋

單家橋

曹使橋

絲行橋

利市橋

鷺欄橋

鴨舍橋

濟川橋

鞞鞋橋

蒲老橋

六通橋

文家橋

盧家橋

使橋

錢橋

紅橋

宮橋

洞橋

隆興橋隆興元年建

黃牛坊橋

錢駙馬橋

朱明寺橋

吳縣東橋

吳縣西橋

黃土塔橋

西蔣家橋

小蓮湖橋

女冠子院橋

陸侍郎橋

南過軍橋

北過軍橋

盧提刑橋。盧革自德清退老于吳。以通議大夫致仕。嘗除廣南提點刑獄。後郡人以提刑名橋。子秉爲發運使。詳見人物門。

西市門橋

芝草營橋

西石塘橋

周太保橋

張馬步橋

祥符寺橋

西章家橋

雍熙寺西橋

禪興寺西橋

龍興寺西橋

雍熙寺東橋

雍熙寺後橋

能仁寺東橋

能仁寺後橋

樂橋之東南 對門

乘魚橋在子城之西北昔琴高乘鯉升仙之地事具異聞

〔至和元年僧達本重建橋序〕乘魚橋當姑蘇之要津茂苑之靈跡按吳地誌云古者賢士丁法海琴高於

此地見大鯉魚長可丈餘有角有足鼓二翼而舞琴高見其異遂乘魚騰飛宛轉駕空上昇因立橋名

烏鵲橋在提刑司之南舊傳古有烏鵲館橋因其館得名

〔楊備烏鵲橋上元詩云〕月滿星移水照天南飛鳥鵲影翩翩雖然上屬牽牛分不爲秋河織女填

竹隔橋

飲馬橋

南倉橋

帶城橋

馬津橋

望信橋

夏侯橋

金母橋

燕家橋

淨河橋

小博橋 在倉司前

清道橋

迎葑橋

船場橋

望門橋

雙紅橋

章家橋

曹家橋

楊家橋

董家橋

朱家橋

船坊橋

紅鴨橋

龍堂橋

東長橋

西長橋

燒香橋

唐家橋

望營橋

佐家橋

臙脂橋

驅鬼橋

沙糕橋

蔣家橋

白蜆橋

盡市橋

顧亭橋

遊仙橋

平橋

閭橋

草橋

甫橋

洞橋

祝橋

星橋

磚橋

程橋

營橋

至橋

尤橋

篠橋

胡書記橋

官太尉橋

吳承議橋

南胡家橋

採蓮涇橋

覺報寺西橋

覺報寺後橋

楊府院子橋

雙塔寺前橋

東禪寺西橋

折桂橋紹興二十七年內建

樂橋之西南盤門

孫老橋在運河上。唐白頭橋也。郡守白居易所建。因是名之。本朝天聖初。郡守孫冕重修。故易今名。（梅摯頭橋詩云）白頭橋奈白頭何。是橋唐牧白公建。因得名。近歲伯純修之。人呼孫老。舊德如存故老詩。不特興梁起遺愛。大都才美服人多。

西館橋

太平橋

薦行橋

市曹橋

白磬橋

娥眉橋

郭家橋

杉瀆橋

明澤橋

吉利橋

昇平橋

翦金橋

銀鋌橋

積善橋

胡家橋

成家橋

渡子橋

趙公橋

趙婆橋

葛家橋

張師橋

蔡家橋

諸家橋

杉板橋

木柴橋

院子橋

倉後橋

樓西橋

程基橋

果子橋

草鞋橋

獻花橋

望婆橋

芮家橋

彈子橋

芮橋

梅橋

程橋

新橋

廟橋

北張師橋

南張師橋

西竺寺西橋

開元寺東橋

開元寺後橋

憩橋。吳軍憩歇。因名之。吳地記。

門外外縣橋梁

城門外府圖。

行春橋。續圖經云。在橫山下。越來溪中。湖山滿目。亦爲勝處。橋甚長。跨溪湖之口。好事者或名小長橋。歲久廢闕。淳熙十六年。縣令趙彥真始復修之。勝概爲吳中第一。新橋在盤門。分爲三橋者。製度甚宏。

吳門橋

綠雲橋。並盤門外。

虹橋。婁門。

虹橋。齊門外。

虹橋

渡僧橋

山塘橋

綵雲橋牛塘寺前

便山橋虎邱寺前

楓橋在閶門外九里道傍。自古有名。南北客經由。未有不憩此橋而題詠者。事具楓橋普明院。

洞橋已上並閶門外

斜橋

安里橋已上並對門外

秀峯橋

顏橋

張墅橋

新郭橋

藏圓橋

楞伽寺橋

謳橋

埭橋

短橋

黃蘆橋

何橋

夏駕橋

虎山橋

靈巖寺橋

胥門橋

橫塘橋

越來溪橋。久廢。淳熙中。居民薛氏。以奩具錢復立之。越來溪水自此橋北流過橫塘也。

練墟新橋已上並門外

已上在吳縣長洲縣管下。詳見舊經。

縣橋

驛橋

程橋

看婆橋

雙鳳橋

馬邠橋

泄水橋

通泄橋

富基橋

徽浦橋

八尺橋

卓基橋

盛墩橋

安德橋

合路橋

南醋坊橋

南泄水橋

第一醋坊橋

已上在吳江縣管下詳見舊經

安民橋在新涇中

利民橋在七里涇

濟民橋在吳涇事具續圖經

利往橋卽吳江長橋也慶歷八年縣尉王廷堅所建有亭曰垂虹而世併以名橋續圖經云東西千餘尺前臨太湖洞庭三山橫跨松江行者晃漾天光水色中海內絕景唯遊者自知之不可以筆舌形容也垂虹亭兵火後復創亭前樂軒已不復立中興駐蹕武林往來憧憧千萬承平時此橋方爲大利有議以石柱易木柱者或謂非是然亦卒不果易紹興三十二年金亮犯淮中外戒嚴或獻計樞庭乞行下平江焚長橋時郡守洪遵持不可而縣民已有知之者相與聚哭於圯下矣橋兩圯南有匯澤亭北有底定亭餘見松江條

（鄭獬吳江橋詩云）三百欄干鎖畫橋行人波上踏靈繁插天螭螭玉腰闊跨海鯨鯢金背高路直鑿開元魚龍淵蔽風月窟若比廣寒宮更深

氣白影寒壓破大江豪此中自與銀河接不必仙槎八月潮（蔣堂）鴈銜橋橫五湖北顰飛亭屹大江心